

KIROL PATRONATUKO
DEKRETUA
2021 KIRO00001

Espediente-zenbakia: 2021/KP_DEK_0001

Xedea

COVID-19ak eragindako kasu positiboaren intzidentzia tasa metatua 100.000 biztanleko 500 baino handiagoa izatearen ondorioz hartutako neurriak.

Aurrekariak

Lehenengoa: Osasunaren Mundu Erakundeak 2020ko martxoaren 11n nazioarteko pandemia deklaratu zuen, COVID-19ak eragindako osasun publikoko larrialdi-egoera dela eta.

Aurrekoaren ondorioz, martxoaren 14ko 463/2020 Errege Dekretuaren bidez, Alarma-Egoera dekretatu zen Estatu osoan, eta horrek aukera eman zuen osasun-larrialdiko egoerari aurre egitea eta herritarren osasuna eta segurtasuna babestea.

Bigarrena: Ondoren, deseskalada prozesu bat hasi zen, hainbat fasetan antolatua, eta botere publikoek eta osasun agintariek neurriak hartzen jarraitu zituzten agerraldiak kontrolatzeko eta infekzioak geldiarazteko.

Besteak beste, hurrengo xedapenak hartu ziren:

- 2020ko ekainaren 9an, COVID-19ak sortutako osasun krisiari aurre egiteko prebentzio, euspen eta koordinazio premiazko neurriak ezartzeko 21/2020 Errege Dekretu-legea onartu zen.
- 2020ko ekainaren 18ko Lehendakariaren 14/2020 Dekretuz, deseskaladarako 3. fasea gaindituztat eta, horrenbestez, alarma-egoeraren esparruan hartutako neurriak indargabetu eta "normaltasun berria" hasi onartu zen.
- 2020ko ekainaren 18an, Osasun sailburuak, COVID-19ak eragindako osasun-krisialdiari aurre egiteko, Normaltasun Berrirako Trantsiziorako Planaren 3. fasea gainditu eta gero, beharrezko prebentzio-neurriei buruzko Agindua eman zuen.
- 2020ko uztailaren 28an, Osasun sailburuak, 2020ko ekainaren 18an emandako Aginduaren eranskina aldatzen duen Agindua eman zuen.
- 2020ko abuztuaren 14a, Segurtasun sailburuak, COVID-19 delakoaren hedapenaren ondoriozko osasun-alertak eragindako egoera dela eta, Euskadiko



Babes Zibileko Plana, Larrialdiei Aurregiteko Bidea-Labi izeneko plana, formalki aktibatzen Agindua eman zuen.

- COVID-19aren hedapenak eragindako osasun-alertak sortu duen egoeraren aurrean, Lehendakariak, 2020ko abuztuaren 15ean 17/2020 Dekretua eman zuen, Lehendakariak Euskadiko Herri Babeseko Plana-Larrialdiei Aurregiteko Bidea-Labi zuzentzeko eskumenak bereganatzeko.

Hirugarrena: Kasuen hazkunde kezkagarriaren ondorioz, urriaren 25eko 926/2020 Errege Dekretuaren bidez, alarma-egoera berria onartu zen Estatu osoan. Orobat, azaroaren 3ko 956/2020 Errege Dekretuaren bidez, alarma-egoera hori luzatu egin zen, eta hasiera batean 2021eko maiatzaren 9ra arte luzatzea aurreikusi da.

Laugarrena: Errege Dekretu horren 2. artikuluan aipatzen denez, autonomia-erkidego bakoitzean eta autonomia-estatutua duen hiri bakoitzean, autonomia-erkidegoko edo autonomia-estatutua duen hiriko lehendakaria izango da agintari eskudun delegatua, errege-dekretu honetan ezarritako moduan.

Bosgarrena: Aipatutako eskumenen eskuordetzearen ondorioz, Lehendakariaren urriaren 26ko 36/2020 Dekretua eman zen, eta bertan osasun publikoaren arloko berriazko hainbat neurri zehaztu ziren.

Seigarrena: Aipatutako 36/2020 Dekretuan etengabeko ebaluazioa eta jarraipena egitea ezarri da, neurriak egoera epidemiologikora egokitzen direla bermatzeko, eta neurri horiek berregokitzeko beste erabaki batzuk hartu dira, besteak beste, abenduaren 10eko 44/2020 Dekretua, abenduaren 10ekoa, lehendakariarena, testu bakar batean bateratzeari eta berriazko prebentzio-neurriak eguneratzeari buruzkoa, alarma-egoeraren deklarazioaren esparruan, egoera epidemiologikoaren bilakaeraren ondorioz eta SARS-CoV-2 sistemak eragindako infekzioen hedapenari eusteko.

Argudioak

Lehenengoa: Eusko Jaurlaritzako Osasun Publikoko eta Mendekotasuneko zuzendariaren 2021eko urtarrilaren 4ko Ebazpenaren bidez, argitaratu da COVID-19ak eragindako kasu positiboan azken 14 eguneko Intzidentzia Tasa Metatua 100.000 biztanleko 500ekoa edo handiagoa duten 5.000 biztanletik gorako udalerrien zerrenda. Horien artean dago Bermeoko udalerria.

Osasun larrialdi egoera horren aurrean, zenbait neurri hartu behar dira gaixotasunak udalerrian duen eragina arintzeko eta gutxitzeko. Testuinguru horretan, udal instalazioak eta eraikinak ixtea erabaki da.



Bigarrena: Hala, abenduaren 10eko 44/2020 Dekretuaren eranskinaren 21. puntuan, erabilera publikoko parke eta kirol-eremuei buruzkoan, ezartzen da udalei dagokiela espazioa antolatzea eta garbiketa- eta higiene-baldintzak bermatzea.

Hirugarrena: Era berean, 926/2020 Errege Dekretuaren 12. artikulua dio administrazio bakoitzak indarrean dagoen legeriak ematen dizkion eskumenak gordeko dituela, bai eta bere zerbitzuen eta langileen kudeaketa ere, beharrezkotzat jotzen dituen neurriak hartzeko.

Laugarrena: Bermeoko Kirol Patronatuaren estatutuen 14.g) artikuluan xedatutakoarekin bat etorriz, presidenteari dagokio premia kasuetan ekintzak burutzea, Batza Artezkariaren hurrengo batzarrean haren berri emanaz.

Baina 2019ko uztailaren 2ko 2019KIR00016 Kirol Patronatuko Presidentearen dekretu bidez onartutako delegazioen arabera, ahalmena presidente eragileengan dago delegatuta.

Erabakia

Hori guztia dela eta, honakoa erabaki dut:

LEHENENGOA: COVID-19a ugaltzearen ondorioz, hurrengo udal kirol eraikin eta instalazioak publikoari ixtea, kasu positiboen intzidentzia tasa metatua 100.000 biztanleko 500 baino baxuagoa izan arte:

- Areneko udal kiroldegia
- Areneko udal frontoia
- Artza udal frontoia

BIGARRENA: Erabaki hau Kirol Patronatuko langileei jakinaraztea.

HIRUGARRENA: Bermeoko Udalaren webgunean argitaratzea erabaki hau.

LAUGARRENA: Hurrengo Kirol Patronatuko Batza Artezkarian dekretuaren berri ematea.

-

-



Oharra: sinadurea eta dataa orri-oinean .



Agiri hau benetakoa dala udalaren egoitza elektronikoan egiaztatu ahal dozu.

Kodea:

07E50005A04700R2O6N8L2D0W8

Sinadurea eta dataa

MAITANE LEIZAOLA ZULUETA-KIROL PATRONATUKO PRESIDENTE ORDEA - 07/01/2021
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 07/01/2021
15:22:23

EXPEDIENTE ::
2021KP_DEK_0001

Fecha: 07/01/2021

Lekua: Bermeon

Erregistro unidatea:
Erregistro nagusia

